

VOCES de GAI/POSTELA

Folleto Mensual
de Información

Nº3, Xuño-1996

Editado polo
Colectivo Gai de Compostela

II Ciclo de Cine Gai

Co gallo da celebración do 28 de Xuño, o CGC, por segundo ano consecutivo, organiza un ciclo de cine gai. Como o ano pasado, as películas pasaránse no Centro Sócio-Cultural de Vite. Por cuestións de programación, únicamente serán proxectadas tres das cinco fitas inicialmente previstas. O martes, dia 25 de Xuño, ás 19:00, pasará-se *Priest*, o grande éxito gai do ano 95 que conta a historia dun sacerdote que tenta conciliar a sua firme fe católica coa sua homosexualidade. O xoves 27 e á mesma hora poderemos ver dous clásicos, *Maurice* e *Querelle*. A entrada ás sesións é absolutamente libre e gratuita, e ao final de cada unha delas ha seguir un debate sobre os temas que as fitas abordan.

to, teñen confirmada a sua asistencia as Xuventudes Socialistas, e probabelmente poidamos contar con algún parlamentario do grupo socialista. Estaria ben que algúns habitantes do Pazo do Hórreco comezasen a sair do armario. Como vedes, a concentración deste ano vai ser más que importante, por iso é fundamental a tua presenza e os teus berros para que todos vexan que os gais existimos e que non estamos nen mudos nen cegos.

Festa, homes e glamour

Para rematarmos o dia e começarmos a noite con bo pé, o CGC organizou a esperada super-festa que, non o dubidamos, vai ser a mellor do ano. A grande cita é ás 22h. no pub Tarasca, sito na Rua Entremuros, xusto en frente do noso local. A festa vai estar chea de vibrantes sorpresas. Os modelos e o moreno que han lucir @s asistentes serán dignos do sarao más esperado da tempada. Por suposto, actuarán as nosas estrelas más rutilantes: a tropical Laura Galvani, a misteriosa Pandora, a candidez de Susa Pita, a luxúria desenfreada da Doutora Quinn... e de seguro que a lista non rematará aqui. Ofrecerán-nos as mellores cancións do seu repertorio, farán mostra das suas taboas e da sua sona. De certo que han ser as raíñas da noite (a non ser que ti veñas disposta a lles ocupar o trono...). Durante a noite vederemos todo o

que non vendemos durante o dia, pero sobre todo as rifas para o sorteo da sorpresa da que che falábamos hai unhas liñas. A festa remata oficialmente á unha da mañá, pero iso non quere dizer que teñamos que ir para a cama (a non ser que atopáramos xa algunha razón de peso...). Sen dúbida, a noite nova da zona vella compostelá estará ateigada de xente entendida.

Mesa informativa na Praza do Toural

Visto o bo resultado da experiencia do ano pasado, o CGC repite este ano a instalación dun posto de información e venda pública de material do colectivo. Esta mesa vai estar situada na compostelá Praza do Toural desde primeiras horas da mañá ata a hora da concentración. Non dubides en pasar por ali para dá-lo teu apoio ou adquirir o material que ainda non tes.

Concentración no Toural

O acto central das actividades programadas polo CGC para o 28 de Xuño será a concentración reivindicativa convocada para as 20:30 h. na mesma Praza do Toural. Hogano, co lema *Menores de qué?* queremos denunciar a hipocrisia social a respecto da minoría de idade sexual posta de relevancia a raíz do caso Arny. Esperamos que a concentración deste ano logre mellorar as anteriores, nas que xa o número de asistentes superaba as 200 persoas. Están convidados os principais sindicatos e forzas políticas do noso país, así como diversas organizacións de acción social. De momen-

Sai á rua o novo Shomos

De non haber ningún contratiempo, o dia 28 será a presentación dun novo número da nosa revista. Desta vez, vén chea de artigos interesantes, pero a entre-

vista e a banda deseñada porán a nota distendida nas suas páxinas. As novas rosas, como sempre, constituen unha guia de leitura obrigada. E, atención á portada, que é de deseño exclusivo.

Rolda de conversas cos grupos parlamentares

E intención do CGC manter contactos regulares con partidos políticos, sindicatos e organizacións de acción social afín de presentarmos as nosas reivindicacións e avanzar no camiño da igualdade de direitos e da convivencia. Neste sentido, o mércores dia 26 de Xuño, unha representación do colectivo vaise entrevistar no Parlamento cos voceiros do PP, por unha banda, e do BNG, por outra. Esperamos que axiña poidamos falar tamén oficialmente co PSdeG-PSOE. En concreto, o CGC vai expor nestas reunións as iniciativas a respeito da consecución dunha Lei de Parellas de Feito e doutra contra as agresións homofóbicas. Tamén se falará sobre a situación da comunidade homosexual galega e sobre as aportacións que os grupos políticos poidan fazer para a mellorar. Outra das cuestións que pensa tratar o CGC é a colaboración co lexislativo galego en diferentes proxectos que afecten aos homosexuais. Do resultado das conversas xa vos manteremos informados.

Carta ao Valedor do Povo

O CGC vén de se pór en contacto co Valedor do Povo coa intención de que tome as iniciativas que considere necesarias para chamar a atención da situación de discriminación na que se atopa a comunidade gai galega. Na carta que se lle escrebeu, convida-se-lle a que estimule ás institucións do noso país para acabaren coa marxinación e fomentaren a convivencia. Asemade, tamén foi convidado oficialmente a que faga pública a sua solidariedade cos gais mediante chamamentos nos meios de comunicación e mediante a sua presenza na concentración convocada para o 28 de Xuño polo colectivo.

Seguimos sen resposta

Hai xa máis dun mes que se lle foron enviadas senllas cartas ao alcalde de Compostela e ao reitor da Universidade para formalizar un encontro co fin de tratar o tema das agresións na alameda e outras cuestións de mútua colaboración. O CGC, antes de

iniciar medidas de presión, decidiu agardar máis tempo por unha resposta oficial que tarda en chegar. Cremos que é fundamental manter relacións con esas institucións, de máxima importancia en Compostela, e por iso ímos insistir enviando unha nova carta más contundente. De todos xeitos, a Comisión Anti-agresións está xa a pensar en medidas de presión a nivel estatal e internacional para que sexamos recibidos no caso de non contarmos cunha contestación definitiva a principios do outono.

Rolda de imprensa e propaganda

O CGC pensa convocar os medios de comunicación o xoves dia 27 de xuño para informar dos actos organizados co gallo do Dia do Orgullo e da Libertación Gai. Nesta rolda de imprensa, pensa-se expor o manifesto elaborado para a concentración e que xirará sobre o tema abordado no lema *Menores de qué?*. Así mesmo, tamén se dará conta do resultado das reunións mantidas cos grupos parlamentares. Pero o coñecemento público dos actos non fica ai, xa que xa se efectuou unha pegada de carteis en Compostela anunciando a programación para a semana do 28. Ainda se pensa en facer unha segunda pegada así que cheguen os carteis elaborados pola COFLHEE. De todos xeitos, recomendamos-vos que leades a imprensa durante esta semana porque ali aparecerán todas as intervencións dos voceiros do colectivo e os actos que se irán celebrando cada dia.



Xa sabes...

**Escrebe-nos ao Apdo. 191
CP 15780-Compostela ou vén ver-nos na Rua Entremuros 16 de luns a venres a partir das 20:30h.**